

Minister Glenbert Croes a duna reconocemento na Sr. Roly Bislip pa laga deporte ta e caminda

ORANJESTAD-(AAN): -- Trayectoria di deporte ta importante y enseñanza y inversion di nos muchanan ta esencial y ta bay man den man cu deporte.

Nos muchanan ta importante y asina Minister di trafico y Comunicacion y deporte sr. Glenbert Croes a splica cu loke cu ta yena nos tur cu entusiasmo ora weita cuanto

actividadnan di deporte cu tin facilidadnan di deporte cu tin, campeonato nan, y mas ainda ora cu inaugura Joe Laveist, centro deportivo Libertador Betico Croes, piscina Olimpico, comunitario.

Loke cu lo bin despues den pueblonan di Noord, Santa Cruz cu ta den fase nan lo ta mas interesante y ta muestra

loke ta prioridadnan di gobierno, enfoca ariba muchanan.

Ayera en especial a mira esnan cu tin deporte na pecho manera sr. Roly Bislip, cu a ser reconoci pa su trabaonan y su lucha pa deporte di natacion.

Minister di Trafico y Comunicacion y Deporte sr. Glenbert Croes a haci entrega di un bunita cuadra cu ta pa sr. Bislip su esfuerzonan y lucha nan pa bin cu un piscina olimpico na Savaneta cu nos por bisa cu a duna su fruto nan.

Ayera durante conferencia di prensa na Radisson sr. Glenbert Croes a reconoce sr. Bislip cu a laga cu deporte ta e caminda den su bida pa logra e mihor pa su barrio su distrito. Sr. Roly Bislip su subrina y su yiu awe ta forma parti di delegacion atletico, olimpico, di Sidney Australia.

Roly ta un homber cu su hazaña a logra traha un piscina olimpico na Savaneta segun Minister Croes.

Sr. Bislip kende ta miembro di parlamento di Aruba y ta un persona cu ta dedica curpa y alma pa deporte y mas ainda ta kere den vision di deporte.

